



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

OSHP: 2024/0028
Data e Vendimit: 30.01.2024

Në bazë të nenit 105 pika 1 dhe 2 të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/L-068, i plotësuar dhe ndryshuar me Ligjin 05/L-092, pas shqyrtimit të ankesës së Operatorit ekonomik (OE) “AMBIENTI” SH.P.K, kundër njoftimit për kontratë lidhur me aktivitetin e prokurimit “Pastrimi i Hapësirave të brendshme, të Objekteve në QKUK-ë” me numër të prokurimit 701-23-10641-2-1-1, inicuar nga autoriteti kontraktues (AK) – “Qendra Klinike Universitare e Kosovës”, Kryetarja e Organit Shqyrtues të Prokurimit Vjosa Gradinaj Mexhuani me 30/01/2024, mori këtë:

Vendim

I. Hedhet si e palejuar, ankesa e “AMBIENTI” SH.P.K me nr. të protokollit 2024/0028, e datës 09/01/2024, ankesë kjo e parashtruar për aktivitetin e prokurimit “Pastrimi i Hapësirave të brendshme, të Objekteve në QKUK-ë” , me numër të prokurimit 701-23-10641-2-1-1, inicuar nga autoriteti kontraktues (AK) – “Qendra Klinike Universitare e Kosovës”.

II. I lejohet, autoritetit kontraktues – “Qendra Klinike Universitare e Kosovës” që të vazhdojë më tutje me aktivitetin e prokurimit “Pastrimi i Hapësirave të brendshme, të Objekteve në QKUK-ë”, me numër të prokurimit 701-23-10641-2-1-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit.

Arsyetim

- Faktet dhe rrethanat procedurale –

Organi Shqyrtues i Prokurimit në sistemin elektronik e-prokurimi me datë 09/01/2024, tek rubrika e ankesave ka pranuar një ankesë nga OE“AMBIENTI” SH.P.K, për aktivitetin e prokurimit me “Pastrimi i Hapësirave të brendshme, të Objekteve në QKUK-ë” me numër të prokurimit 701-23-10641-2-1-1, inicuar nga “Qendra Klinike Universitare e Kosovës”, në cilësinë e autoritetit kontraktues.

Zyra e pranimi të ankesave pas pranimi të ankesës, gjatë verifikimit nëse ankesa është dorëzuar sipas rregullave dhe dispozitave ligjore, ka konstatuar se ankuesi se bashku me ankese ka bashkangjitur dëshminë e pagesës me vulë bankare, mirëpo pasi që kemi pritur verifikimin bankar mjetet nuk kanë dal ne llogari të OSHP-së, i njëjti nuk ka bere pagesën sipas nenit10 paragrafi 1 të nenit 111 të LPP-së dhe nenin 69 të Rregullores Nr.001/2022 për Prokurim Publik.

Sqarojmë se zyra për pranimin e ankesave me datën 16.01.2024 përmes email-it e ka njoftuar OE ankues se lidhur me ankesën e cekur si më lart, “mjetet për parashtrimin e ankesës ende nuk janë në llogari të OSHP-së, duke kërkuar nga OE ne fjalë që të njoftoj OSHP lidhur me pagesën për këtë ankese, ne të kundërtën ankesa juaj do të refuzohet si jo e plotë.

Poashtu me po të njëjtën datë 16.01.2024 OE ankues ka kthyer emalin ne OSHP duke theksuar se “Neve kemi bere pagesën konform dëshmisë se bashkangjitur, por neve do i shënojmë Bankës se mos ka pasur ndonjë telashe dhe do te ju njoftojmë ose ri-paguajmë”.

Nisur nga fakti se mjete ende nuk kishin dalur ne llogari të OSHP-sipas zyrtares për të Hyra, me datën 19.01.2023 OSHP i ridërgon edhe një here emailin për sqarim të njëjtit OE duke e informuar se mjetet ende nuk janë në llogari të OSHP-së, e që për këtë email OSHP nuk ka pranuar asnjë përgjigje nga ana e OE ankues.

OSHP nëpërmjet emailit zyrtar , me datën 24.01.2024, i drejtohet bankës Banka Private (BPB), për të konfirmuar se perse nuk ishin dal mjetet në llogari të OSHP-së.

Me datën 25.01.2024, OSHPpër kërkesën e cekur si me lart ka pranuar përgjigjen si në vijim “ju njoftojmë se bazuar në dëshmitë që Banka ka pranuar nga ju - fletëpagesat bankare, rezulton se këto transfere nuk janë iniciuar përmes Bankës tonë dhe të dhënat e paraqitura në to janë të pasakta”.

OSHP poashtu e njofton OE ankues se dhe nëse eventualisht vërtetohet nga ana autoritet përkatëse, se nga cilësia juaj si operatorë ekonomik ankues keni tentuar të mashtroni nëpërmejt

dëshmisë bankare (pagesë e tarifës) si jo reale e deponuar në OSHP ,do te veprojmë në pajtim me nenin 99 te LPP-së.

Nga provat e prezantuara vlerësohet se ankesa e parashtuar nga OE“AMBIENTI” SH.P.K e datës 09.01.2024 (protokoll 0028/2024), për aktivitetin e prokurimit me titull “Pastrimi i Hapësirave të brendshme, të Objekteve në QKUK-ë” me numër të prokurimit 701-23-10641-2-1-1, inicuar nga autoriteti kontraktues (AK) – “Qendra Klinike Universitare e Kosovës”, konsiderohet si e pa kompletuar sepse ankuesi nuk ka deponuar tarifën e sigurimit të ankesës së tij siç kërkohet në piken 10 paragrafi 1 të nenit 111 të LPP-së lidhur me nenin 118 të LPP-së.

Andaj procedura e shqyrtimit të kësaj ankese përfundon në këtë fazë duke e hedhur të njëjtën si palejuar- jo e plotë ngase kjo ankesë nuk plotëson kushtet për tu proceduar më tutje siç kërkohet dispozitat ligjore të lartcekura.

I lejohet, autoritetit kontraktues – “Qendra Klinike Universitare e Kosovës”që të vazhdojë më tutje me aktivitetin e prokurimit “Pastrimi i Hapësirave të brendshme, të Objekteve në QKUK-së” me numër të prokurimit 701-23-10641-2-1-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit. Megjithatë, OSHP gjithnjë niset nga rregullat, zgjidhjet dhe parimet e LPP sipas të cilit secili AK ushtron pavarësinë e tij/sajë në kuptim të nenit 8 dhe 9 lidhur me planifikimin e prokurimit dhe parashikimin e nevojave, mirëpo kriteret e parapara gjithnjë duhet ta garantojnë barazinë e OE të cilët parashihen si të tillë edhe me DT e cila në kuptim të nenit 27, lidhur me nenin 28, përbën dokumentin kyç të prokurimit publik. Prandaj në kuptim të nenit Neni 51 (Njoftimi i Kritereve të Përzgjedhjes) të LPP, sipas të cilit të gjithë kriteret e përzgjedhjes duhet të kufizohen *vetëm në kriteret e nevojshme* për të siguruar se vetëm operatorët ekonomik që posedojnë aftësitë e nevojshme profesionale, financiare dhe teknike për ti përmbushur kushtet e kontratës përkatëse do të konsiderohen të kualifikuar për të marrë një kontratë të tillë ose për marrjen e ftesës për tenderim. Dhe se, në asnjë rast, autoriteti kontraktues **nuk duhet** që të përfshijë, saktësojë ose përdorë kritere të përzgjedhjes që bazohen në konsiderata të tjera përveç atyre të lejuara nga dispozitat e neneve 65-70 të këtij ligji. Andaj Paneli Shqyrtues i vë në dijeni AK se në çdo aktivitet duhet të veproj konfom dispozitave dhe autorizimeve ligjore siç parashihen ato me nenet 1,6,7, 27,28,51,59,60,65,69,70 të LPP.

Kryetarja e OSHP-së, duke u bazuar në atë që u tha si më lartë, vendosi si në dispozitiv të këtij vendimi.



Vjosa Gradinaj
Kryetare e OSHP-së

Këshillë juridike:

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës Komerciale - Departamentit për çështje Administrative për anulim vendimi në afat prej 30 ditësh nga data e pranimi të vendimit.

Vendimi t'i dorëzohet:

- **AK - QENDRA KLINIKE UNIVERSITARE E KOSOVES**
- **OE - " AMBIENTI " SH.P.K.**
- Arkivës së OSHP-së: